

10 MAR 2000

MENTERI LUAR SLOVAK LAWAT MALAYSIA ISNIN INI

KUALA LUMPUR, 10 Mac (Bernama) -- Menteri Luar Republik Slovak Eduard Kukan akan mengadakan lawatan rasmi ke Malaysia selama dua hari bermula Isnin ini bagi mengeratkan lagi hubungan dua hala kedua-dua negara.

Satu kenyataan Wisma Putra di sini, hari ini, menyatakan ini adalah lawatan pertama Kukan ke negara ini dan ia dianggap kunjungan muhibah dan suai kenal beliau ke rantau Asia.

Beliau akan diiringi tiga pegawai kanan dari Kementerian Luar Republik itu termasuk Duta Besarnya ke Indonesia yang juga ditauliahkan sebagai duta ke Malaysia.

Semasa lawatannya, Kukan akan mengunjungi Perdana Menteri Datuk Seri Dr Mahathir Mohamad, Menteri Luar, Datuk Seri Syed Hamid Albar, Menteri Pertahanan Datuk Seri Najib Tun Razak dan Yang Di-Pertua Dewan Rakyat Tun Mohamed Zahir Ismail bagi bertukar pandangan mengenai isu dua hala dan antarabangsa.

"Beliau juga akan melawat Putrajaya, Menara Kuala Lumpur dan Menara Berkembar Petronas di sini," kata kenyataan itu.

-- BERNAMA

NHA PR